



**Broj/Broj:02 –50 –1-51-60/'06
Sarajevo/Sarajevo, 7.7.2006.**

**ZAPISNIK
60. sjednice Doma naroda
Parlamentarne skupštine Bosne i Hercegovine,
7. jula 2006.godine**

Sjednica je počela u 15,15 sati.

Sjednicom je predsjedavao Goran Milojević, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 12 delegata.

Delegati: Velimir Jukić, Boško Šiljegović i Hilmo Neimarlija opravdali su izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Na sjednici je usvojen sljedeći dopunjeni

D N E V N I R E D

1. Odgovori na delegatska pitanja i delegatska pitanja;
2. Usvajanje Zapisnika 59. sjednice Doma naroda;
3. Zahtjev Predstavničkog doma za razmatranje Zakona o izmjenama i dopunama Zakona o porezu na dodatu vrijednost po hitnom postupku, u skladu s članom 100. Poslovnika Doma naroda;
4. Zahtjev Predstavničkog doma za razmatranje zakona o izmjeni i dopuni Općeg zakona o zadrugama, po hitnom postupku, u skladu s članom 100. Poslovnika Doma naroda;
5. Zahtjev delegata Boška Šiljegovića za razmatranje Prijedloga zakona o dopunama Zakona o odbrani Bosne i Hercegovine po hitnom postupku, u skladu s članom 99. Poslovnika Doma naroda;
6. Zahtjev delegata Halida Genjca za razmatranje Prijedloga zakona o izmjeni i dopuni Zakona o osnovama sigurnosti saobraćaja na putevima u BiH po hitnom postupku, u skladu s članom 99. Poslovnika Doma naroda;
7. Zahtjev delegata Halida Genjca i Mustafe Pamuka za razmatranje Prijedloga zakona o izmjenama i dopunama Zakona o osnovama sigurnosti saobraćaja na putevima u BiH po hitnom postupku, u skladu s članom 99. Poslovnika Doma naroda;
8. Zahtjev Vijeća ministara BiH za razmatranje Prijedloga zakona o izmjenama Zakona o policijskim službenicima Bosne i Hercegovine po hitnom postupku, u skladu s članom 99. Poslovnika Doma naroda (Zakon od 17.5.2006.);
9. Zahtjev Vijeća ministara BiH za razmatranje Prijedloga zakona o izmjeni i dopuni Zakona o policijskim službenicima Bosne i Hercegovine po hitnom postupku, u skladu s članom 99. Poslovnika Doma naroda (Zakon od 29.5.2006.);

10. Zahtjev Vijeća ministara BiH za razmatranje Prijedloga zakona o izmjeni Zakona o Državnoj graničnoj službi BiH po hitnom postupku, u skladu s članom 99. Poslovnika Doma naroda;
11. Zahtjev Vijeća ministara BiH za razmatranje Prijedloga zakona o visokom obrazovanju u BiH po hitnom postupku, u skladu s članom 99. Poslovnika Doma naroda;
12. Prijedlog zakona o izmjenama i dopunama Zakona o Obavještajno-sigurnosnoj agenciji BiH (prvo čitanje);
13. Prijedlog zakona o izmjenama i dopunama Krivičnog zakona BiH (prvo čitanje);
14. Prijedlog zakona o klasifikaciji djelatnosti u Bosni i Hercegovini (prvo čitanje);
15. Informacija o radu u Tužilaštvu BiH za 2005. godinu;
16. Zaključci Komisije za vanjsku i trgovinsku politiku Doma naroda, u vezi s problemima kod izvoza mlijeka u zemlje s kojima Bosna i Hercegovina ima potpisane bilateralne sporazume o slobodnoj trgovini;
17. Zaključci i preporuke Komisije za vanjsku i trgovinsku politiku Doma naroda povodom javne rasprave o temi: „Razmatranje aktivnosti za podsticanje privrednog rasta, povećanje izvoza, smanjenje trgovinskog deficita i osiguravanje dodatnih povoljnosti za strana ulaganja u BiH“;
18. Razmatranje ostavki Jasminke Putice, Blage Bošnjaka i Dragice Miletić, članova Ureda za razmatranje žalbi, i upoznavanje s Informacijom o dosadašnjim aktivnostima vezanim za početak rada Ureda za razmatranje žalbi;
19. Davanje saglasnosti za ratifikaciju Sporazuma između Vlade Bosne i Hercegovine i Vlade Savezne Republike Njemačke o finansijskoj saradnji u 2004. godini;
20. Davanje saglasnosti za ratifikaciju Sporazuma između Vijeća ministara BiH i Vlade Republike Grčke o saradnji u borbi protiv kriminala, posebno terorizma, ilegalne trgovine drogom i organiziranog kriminala;
21. Davanje saglasnosti za ratifikaciju Sporazuma između Bosne i Hercegovine i Belgijsko-luksemburške ekonomske unije o recipročnom unapređenju i zaštiti investicija;
22. Davanje saglasnosti za ratifikaciju Sporazuma između Vijeća ministara BiH i Vlade Republike Grčke o ponovnom prijemu lica koja ilegalno borave na teritoriji njihovih država i Protokola za realizaciju Sporazuma između Vijeća ministara BiH i Vlade Republike Grčke o ponovnom prijemu lica koja ilegalno borave na teritoriji njihovih država;
23. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vlade Republike Mađarske;
24. Davanje saglasnosti za ratifikaciju Dodatka kojim se mijenja i dopunjuje Sporazum između Visokog predstavnika za Bosnu i Hercegovinu o uspostavljanju Ureda registrara za Odsjek I. za ratne zločine i Odsjek II. za oraganizirani kriminal, privredni kriminal i koropciju Krivičnog i Apelacionog odjela Suda BiH i Posebnog odjela za ratne zločine i Posebnog odjela za oraganizirani kriminal, privredni kriminal i korupciju Tužilaštva BiH;
25. Davanje saglasnosti za ratifikaciju Ugovora o intelektualnom vlasništvu za integrirana kola, Washington 25. maja 1989.;
26. Davanje saglasnosti za ratifikaciju Ugovora o uspostavi Energetske zajednice;
27. Davanje saglasnosti za ratifikaciju Roterdamske konvencije o proceduri obavještavanja o saglasnosti za promet nekih opasnih hemikalija i pesticida u međunarodnoj trgovini;
28. Zahtjev Vijeća ministara BiH za razmatranje Prijedloga zakona o lijekovima i medicinskim sredstvima Bosne i Hercegovine po hitnom postupku, u skladu s članom 99. Poslovnika Doma naroda;
29. Zahtjev Vijeća ministara BiH za razmatranje Prijedloga zakona o dopuni Zakona o državljanstvu Bosne i Hercegovine po hitnom postupku, u skladu s članom 99. Poslovnika Doma naroda;
30. Prijedlog zakona o izmjeni Zakona o ustupanju predmeta od Međunarodnog krivičnog suda za bivšu Jugoslaviju Tužilaštvu BiH i korištenju dokaza pribavljenih od Međunarodnog

krivičnog suda za bivšu Jugoslaviju u postupcima pred sudovima u Bosni i Hercegovini (prvo čitanje);

Ad-1. Odgovori na delegatska pitanja i delegatska pitanja

Odgovora na delegatska pitanja nije bilo kao ni novih delegatskih pitanja.

Ad-2. Usvajanje Zapisnika 59. sjednice Doma naroda

Zapisnik 59. sjednice Doma naroda usvojen je jednoglasno.

Ad-3. Zahtjev Predstavničkog doma za razmatranje Zakona o izmjenama i dopunama Zakona o porezu na dodatu vrijednost po hitnom postupku, u skladu s članom 100. Poslovnika Doma naroda

U raspravi o ovoj tački dnevnog reda učestvovali su: predstavnik Vijeća ministara BiH Zlatko Hurić, Kemal Čaušević, direktor Uprave za indirektno oporezivanje BiH, i Halid Genjac. Dom naroda nije usvojio Zahtjev Predstavničkog doma za razmatranje Zakona o izmjenama i dopunama Zakona o porezu na dodatu vrijednost po hitnom postupku, u skladu s članom 100. Poslovnika Doma naroda. Zakon će biti razmatran u skladu s članom 99. Poslovnika Doma naroda.

Ad- 4. Zahtjev Predstavničkog doma za razmatranje Zakona o izmjeni i dopuni Općeg zakona o zadrugama, po hitnom postupku, u skladu s članom 100. Poslovnika Doma naroda

Rasprava o ovoj tački dnevnog reda nije vođena. Dom naroda jednoglasno je usvojio Zahtjev Predstavničkog doma za razmatranje zakona o izmjeni i dopuni Općeg zakona o zadrugama po hitnom postupku, u skladu s članom 100. Poslovnika Doma naroda, nakon čega je Zakon usvojen.

Ad- 5. Zahtjev delegata Boška Šiljegovića za razmatranje Prijedloga zakona o dopunama Zakona o odbrani BiH po hitnom postupku, u skladu s članom 99. Poslovnika Doma naroda

U o ovoj tački dnevnog reda učestvovao je Đoko Pajić. Dom naroda je većinom glasova usvojio zahtjev delegata Boška Šiljegovića za razmatranje Prijedloga zakona o dopunama Zakona o odbrani BiH, po hitnom postupku, u skladu s članom 99. Poslovnika Doma naroda.

Ad- 6. Zahtjev delegata Halida Genjca za razmatranje Prijedloga zakona o izmjeni i dopuni Zakona o osnovama sigurnosti saobraćaja na putevima u BiH po hitnom postupku, u skladu s članom 99. Poslovnika Doma naroda

Rasprava o ovoj tački dnevnog reda nije vođena. Dom naroda jednoglasno je usvojio zahtjev delegata Halida Genjca za razmatranje Prijedloga zakona o izmjeni i dopuni Zakona o osnovama sigurnosti saobraćaja na putevima u BiH po hitnom postupku, u skladu s članom 99. Poslovnika Doma naroda.

Ad- 7. Zahtjev delegata Halida Genjca i Mustafe Pamuka za razmatranje Prijedloga zakona o izmjenama i dopunama Zakona o osnovama sigurnosti saobraćaja na putevima u BiH po hitnom postupku, u skladu s članom 99. Poslovnika Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio zahtjev delegata Halida Genjca i Mustafe Pamuka za razmatranje Prijedloga zakona o izmjenama i dopunama Zakona o osnovama sigurnosti saobraćaja na putevima u BiH po hitnom postupku, u skladu s članom 99. Poslovnika Doma naroda.

Ad- 8. Zahtjev Vijeća ministara BiH za razmatranje Prijedloga zakona o izmjenama Zakona o policijskim službenicima Bosne i Hercegovine po hitnom postupku, u skladu s članom 99. Poslovnika Doma naroda (Zakon od 17.5.2006.)

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o izmjenama Zakona o policijskim službenicima Bosne i Hercegovine po hitnom postupku, u skladu s članom 99. Poslovnika Doma naroda (Zakon od 17.5.2006.).

Ad- 9. Zahtjev Vijeća ministara BiH za razmatranje Prijedloga zakona o izmjeni i dopuni Zakona o policijskim službenicima Bosne i Hercegovine po hitnom postupku, u skladu s članom 99. Poslovnika Doma naroda (Zakon od 29.5.2006.)

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o izmjeni i dopuni Zakona o policijskim službenicima Bosne i Hercegovine po hitnom postupku, u skladu s članom 99. Poslovnika Doma naroda (Zakon od 29.5.2006.).

Ad- 10. Zahtjev Vijeća ministara BiH za razmatranje Prijedloga zakona o izmjeni Zakona o Državnoj graničnoj službi BiH po hitnom postupku, u skladu s članom 99. Poslovnika Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o izmjeni Zakona o Državnoj graničnoj službi BiH po hitnom postupku, u skladu s članom 99. Poslovnika Doma naroda.

Ad- 11. Zahtjev Vijeća ministara BiH za razmatranje Prijedloga zakona o visokom obrazovanju u BiH po hitnom postupku, u skladu s članom 99. Poslovnika Doma naroda

Rasprava o ovoj tački dnevnog reda nije vođena.

Dom naroda je većinom glasova usvojio Zahtjev Vijeća ministara BiH za razmatranje Prijedloga zakona o visokom obrazovanju u BiH po hitnom postupku, u skladu s članom 99. Poslovnika Doma naroda.

Ad- 12. Prijedlog zakona o izmjenama i dopunama Zakona o Obavještajno-sigurnosnoj agenciji BiH (prvo čitanje)

Rasprava o ovoj tački dnevnog reda nije vođena.

Dom naroda jednoglasno je, u oba čitanja, usvojio Prijedlog zakona o izmjenama i dopunama Zakona o Obavještajno-sigurnosnoj agenciji BiH u identičnom tekstu kao i na Predstavničkom domu.

Ad- 13. Prijedlog zakona o izmjenama i dopunama Krivičnog zakona BiH (prvo čitanje)

Rasprava o ovoj tački dnevnog reda nije vođena.

Dom naroda je većinom glasova, u oba čitanja, usvojio Prijedlog zakona o izmjenama i dopunama Krivičnog zakona BiH u identičnom tekstu kao i na Predstavničkom domu.

Ad- 14. Prijedlog zakona o klasifikaciji djelatnosti u Bosni i Hercegovini (prvo čitanje)

Rasprava o ovoj tački dnevnog reda nije vođena.

Dom naroda jednoglasno je, u oba čitanja, usvojio Prijedlog zakona o klasifikaciji djelatnosti u Bosni i Hercegovini u identičnom tekstu kao i na Predstavničkom domu.

Ad- 15. Informacija o radu u Tužilaštvu BiH za 2005. godinu

U raspravi o ovoj tački dnevnog reda učestvovali su Đoko Pajić i predstavnik Tužilaštva BiH Enra Filipović.

Dom naroda je većinom glasova prihvatio Informaciju o radu u Tužilaštvu BiH za 2005. godinu.

Ad-16. Zaključci Komisije za vanjsku i trgovinsku politiku Doma naroda, u vezi s problemima kod izvoza mlijeka u zemlje s kojima Bosna i Hercegovina ima potpisane bilateralne sporazume o slobodnoj trgovini

U raspravi o ovoj tački dnevnog reda učestvovao je Hasan Čengić.

Dom naroda jednoglasno je usvojio sljedeće Zaključke Komisije za vanjsku i trgovinsku politiku Doma naroda, u vezi s problemima kod izvoza mlijeka u zemlje s kojima Bosna i Hercegovina ima potpisane bilateralne sporazume o slobodnoj trgovini.

Zaključci u vezi s problemima pri izvozu mlijeka u zemlje s kojima Bosna i Hercegovina ima potpisane bilateralne sporazume o slobodnoj trgovini

1. Dom naroda Parlamentarne skupštine BiH traži od Vijeća ministara BiH i entitetskih vlada da pruže podršku domaćim prerađivačima mlijeka, a posebno izvoznicima mliječnih proizvoda.
2. Traži se od Vijeća ministara BiH da, posredstvom mješovitih komisija za praćenje provođenja bilateralnih sporazuma o slobodnoj trgovini, riješi pitanje barijera za izvoz mlijeka i mliječnih proizvoda u Republiku Hrvatsku, Makedoniju i Srbiju.
3. Traži se od Vijeća ministara BiH da se redovno preduzimaju potrebne mjere radi kontrole proizvoda koji se uvoze u BiH i druge mjere iz oblasti kontrole prometa mliječnih proizvoda porijeklom van BiH.
4. Traži se od Ministarstva vanjske trgovine i ekonomskih odnosa BiH da organizira sastanke (najmanje jednom u dva mjeseca), uz prisustvo predstavnika prerađivača mlijeka, entitetskih vlada, Ureda za veterinarstvo BiH, Agencije za kontrolu hrane BiH i Komisije za vanjsku i trgovinsku

politiku Doma naroda, radi praćenja pitanja iz oblasti prerade, prometa i izvoza mlijeka i mliječnih proizvoda u BiH.

Ad-17. Zaključci i preporuke Komisije za vanjsku i trgovinsku politiku Doma naroda povodom javne rasprave o temi: „Razmatranje aktivnosti za podsticanje privrednog rasta, povećanje izvoza, smanjenje trgovinskog deficita i osiguravanje dodatnih povoljnosti za strana ulaganja u BiH“

U raspravi o ovoj tački dnevnog reda učestvovao je Hasan Čengić.

Dom naroda jednoglasno je usvojio sljedeće Zaključke i preporuke Komisije za spoljnu i trgovinsku politiku Doma naroda povodom javne rasprave o temi: „Razmatranje aktivnosti za podsticanje privrednog rasta, povećanje izvoza, smanjenje trgovinskog deficita i osiguravanje dodatnih povoljnosti za strana ulaganja u BiH“;

**Zaključci povodom Javne rasprave o temi:
„Razmatranje aktivnosti za podsticanje privrednog rasta, povećanje izvoza, smanjenje
trgovinskog deficita i osiguravanja dodatnih povoljnosti za strana ulaganja u Bosni i
Hercegovini“**

Komisija za vanjsku i trgovinsku politiku Doma naroda svojim zaključkom odlučila je održati Javnu raspravu o temi: „Razmatranje aktivnosti za podsticanje privrednog rasta, povećanje izvoza, smanjenje trgovinskog deficita i osiguravanja dodatnih povoljnosti za strana ulaganja u Bosni i Hercegovini“. Na Javnu raspravu, održanu 14. marta 2006., bili su pozvani predstavnici nadležnih državnih i entitetskih institucija, predstavnici ekonomskih odjela ambasada zemalja značajnih trgovinskih partnera, kao i veći broj privrednika.

Cilj Komisije bio je pokretanje razgovora predstavnika institucija, i zakonodavne i izvršne vlasti, s privrednicima, te donošenje zaključaka i preporuka koji će biti upućeni predstavnicima svih nadležnih institucija, sa zahtjevom da se pristupi njihovoj realizaciji.

Komisija nije namjeravala u jednodnevnoj raspravi riješiti ova važna pitanja, već ih pokrenuti, iznijeti svoje stavove i još jednom upozoriti na značaj i potrebu njihovog neodgodivog rješavanja.

Metodološki, nije bilo lako sačiniti zaključke i preporuke s Javne rasprave jer su se oni kretali u širokom dijapazonu: od teorijskih razmatranja do krajnje praktičnih zahtjeva; od kratkoročnih, dnevnih pa do dugoročnih strateških pitanja, itd. Ipak, cilj je bio uvažiti sve učesnike skupa i uvrstiti u zaključke i preporuke ono što je smatrano najvažnijim u njihovim izlaganjima. Vjerujemo da će svaka institucija kojoj upućujemo ovaj materijal prepoznati svoj dio nadležnosti i odgovornosti, te preuzeti hitne aktivnosti na ekonomskim i drugim reformama u BiH.

Kratka ocjena stanja

Ostvarivanje makroekonomske stabilnosti uz snaženje faktora privrednog rasta, fokusiranih na rast stranih ulaganja i proizvodnje za izvoz, predstavlja preduslov dinamičnog ekonomskog razvoja Bosne i Hercegovine. Pitanja platnobilanskog deficita i konstantan problem visokog vanjskotrgovinskog deficita zahtijevaju brzo i efikasno djelovanje, te predstavljaju jedan od ključnih prioriteta buduće ekonomske održivosti. Uzroci višegodišnje vanjskotrgovinske neravnoteže leže u strukturi naše privrede, nedostatku adekvatne vanjskotrgovinske strategije, uz istovremeni rast konkurentnosti na međunarodnom tržištu roba.

Rast bh. izvoza u mnogo čemu zavisi od pozicioniranja na svjetskom tržištu. U tom pravcu opredjeljenje Bosne i Hercegovine treba biti stvaranje institucionalnog ambijenta za diversificiran i kompetitivan izvozni sektor, što je jedino ostvarivo u kontinuiranom procesu strukturnih reformi i odmjerenoj liberalizaciji tržišta.

Evidentno je da Bosna i Hercegovina, u sadašnjim uslovima, nema konkurentan, raznovrstan i razvijen izvozni sektor, što iziskuje intenziviranje aktivnosti koje bi podstakle navedene sposobnosti kojima bi bio omogućen plasman bh. proizvoda na međunarodno tržište. Ovo tim prije što međunarodno tržište karakterizira dinamičan rast konkurentnosti, brzo usvajanje novih tehnologija, ubrzan ciklus proizvodnje, povećanje kvaliteta proizvoda, fleksibilnost u promjeni djelatnosti preduzeća, izuzetno poznavanje drugih tržišta i karakteristika njihove tražnje.

Iako je Bosna i Hercegovina u posljednjih pet godina ostvarila zavidne rezultate u stvaranju makroekonomske stabilnosti (naročito kad je riječ o smanjenju inflacije i budžetskog deficita), ipak i dalje "boluje" od problema karakterističnog za cijelu Jugoistočnu Evropu – visokog vanjskotrgovinskog deficita, a koji ukazuje na nedovoljnu konkurentnost proizvoda u ovom regionu i na neke druge nedostatke.

Oblasti u BiH u kojima se neposredno ističu nedostaci za podršku izvozu su:

- nepostojanje institucija za kreiranje i realizaciju razvojnih, industrijskih i trgovinskih politika,
- nedostatnost institucije za promociju aktivnosti na podizanju konkurentnosti BiH (državno vijeće za konkurentnost),
- nedostatnost institucija za standardizaciju, certificiranje i provođenje propisa i međunarodnih obaveza iz domena zaštite potrošača, okoline, sanitarnih i fitosanitarnih mjera,
- nerazvijenost institucija iz oblasti finansiranja i podrške izvozu,
- nerazvijenost institucija za promociju izvoznih mogućnosti i bh. izvoznih kompanija,
- nerazvijenost institucija za osiguranje informacija o izvoznim tržištima, konkurentskim uslovima na tržištu i perspektivama razvoja izvoznih tržišta,
- nerazvijenost i niska operativna sposobnost mreže za promociju bh. privrede u inozemstvu (privredna diplomatija),
- nerazvijenost mreže eksportnih intermedijera za posredovanje u izvozu roba bh. proizvođača, posebno za izvoz (trgovačke izvozne kompanije, kompanije za upravljanje izvozom, agenti i drugo),
- nepostojanje institucija za podršku mikro, malim i srednjim kompanijama u njihovom razvoju i internacionalizaciji,
- nepostojanje institucija za dizajn i marketing u funkciji izvoza iz BiH,
- nepostojanje javnih sredstava za istraživačke studije o konkurentnosti, industrijskim i trgovinskim strategijama, mogućnostima pojedinih tržišta za izvoz iz BiH, finansiranje časopisa za izvoz iz BiH,
- nepostojanje alternativnih izvora snabdijevanja energentima,
- visoke kamatne stope (12+%) u komercijalnim bankama,
- neodgovarajući Zakon o stranim ulaganjima,
- neodgovarajući Zakon o carinskoj politici,
- neodgovarajući Zakon o carinskoj tarifi,
- degradirana i loša ukupna infrastruktura saobraćaja i komunikacija.

Strateška određenja

Osnovna karakteristika globalne ekonomije je njena otvorenost prema stranim investicijama. To znači da strani investitori i biznisi moraju imati zakonsku mogućnost slobodnog pristupa tržištu i posjedovanje imovine u zemlji i moraju uživati zakonsku zaštitu svojih investicija.

S druge strane, strane investicije podstiču ekonomski rast koji poboljšava životni standard stanovništva i jača ukupnu poziciju Bosne i Hercegovine.

Radi postepenog smanjenja vanjskotrgovinske neravnoteže, unapređenja izvoza, povećanja konkurentnosti, diversifikacije proizvoda, kao i smanjenja ili ublažavanja izvoznih barijera, neophodno je koncipirati integralni pristup strategiji razvoja koja treba omogućiti realizaciju navedenih ciljeva.

Do kraja godine potrebno je:

- donijeti strategiju kratkoročnog (pet godina) i srednjoročnog (deset godina) razvoja bh.privrede;
- donijeti strategiju smanjenja trgovinskog deficita, u naredne tri godine deficit smanjiti za polovinu od sadašnjeg;
- donijeti strategiju zamjene uvoza domaćim proizvodima i povećanja izvoza, u naredne tri godine za polovinu od sadašnjeg nivoa;
- uspostaviti državno ministarstvo poljoprivrede i državno ministarstvo za nauku, tehnologiju i istraživanje, u skladu s Ustavom BiH;
- uskladiti nadležnosti postojećih ministarstava u Vijeću ministara BiH;
- uspostaviti nove institucije na državnom nivou potrebne za izvršavanje pomenutih ciljeva i izvršavanje obaveza prema EU;
- ojačati kapacitete i unaprijediti rad postojećih institucija na državnom nivou;
- donijeti zakon o izmjenama i dopunama Zakona o stranim ulaganjima;
- donijeti zakon o izmjenama i dopunama Zakona o carinskoj tarifi;
- donijeti zakon o izmjenama i dopunama Zakona o carinskoj politici.

Pravci djelovanja

Nema dileme da veličina i stepen otvorenosti bh.tržišta upućuju naša preduzeća na agresivniji i organiziraniji nastup na stranom tržištu. Opredjeljujući se za strana tržišta, naša preduzeća nailaze na barijere u vezi s nemogućnošću uticanja na podsticajnu izvoznu i carinsku politiku koje postoje na drugim tržištima, te na različite necarinske barijere.

U tom smislu sve aktivnosti treba usmjeriti u tri pravca, posebno imajući u vidu ciljeve, odnosno dinamiku njihove realizacije.

Makro nivo djelovanja – treba biti usmjeren na uspostavljanje kvalitetnijeg biznis okruženja i mogućnosti podsticanja izvoza. Bazira se na tri grupe podsticajnih programa: finansijske i fiskalne podsticajne mjere i mjere za poboljšanje zakonskog okvira i smanjenje administrativnih barijera. Navodimo neke od mjera:

- povećati pravnu sigurnost izvoznika praveći regulativu stabilnijom, jednostavnijom i provodivom,
- riješiti probleme s dijagonalnom kumulacijom porijekla za bh. proizvode,
- odrediti granične prijelaze (3) na kojima bi carinske i druge službe (sanitarna, itd.) radile 24 sata sedam dana u sedmici,

- zaštititi domaće tržište od dampainga, a domaće potrošače od nekvalitetnih roba, stalnom i kvalitetnom kontrolom dampaing mehanizama i kvaliteta uvoznih proizvoda.

Mikro nivo djelovanja – predstavlja direktan uticaj na izvozna preduzeća, u smislu pružanja pomoći ovim preduzećima u svim fazama izvoza. Među ostalim:

- osnovati razvojnu, odnosno izvozna banku na državnom nivou,
- pojeftiniti garancije za izvozne poslove,
- omogućiti brži povrat PDV-a,
- smanjiti poreze na plaće i doprinose iz plaća radi povećanja konkurentnosti,
- pokrenuti reformu obrazovanja u pravcu prilagođavanja programa na univerzitetima, ali i u strukovnim i tehničkim školama prema programima razvoja države i potrebama privrede,
- regulirati monopolsko ponašanje radi smanjenja ulaznih troškova, naročito električne energije, komunalija, takse u veterinarstvu, itd.

Institucionalni mehanizmi – odnose se na formiranje i povezivanje izvoznih udruženja, asocijacija, komorskog sistema i drugih institucija, s ciljem podsticanja izvoznih aktivnosti, u okviru sektorskih izvoznih djelatnosti, a i na generalnom nivou. Između ostalog treba:

- osigurati donošenje neophodnih zakona u što kraćem roku, provođenje usvojenih zakona i donošenje ili stavljanje van snage podzakonskih akata gdje je to potrebno,
- izvršiti reviziju zakonskih odredbi po kojima se plaćaju dažbine u bescarinskoj zoni,
- ubrzati procedure za registaraciju preduzeća,
- podsticati uvođenje najviših evropskih standarda za proizvodne procese i kvalitet proizvoda,
- intenzivirati rad bh. diplomatije na promociji izvoza,
- pojednostaviti procedure za dobivanje radnih i boravišnih dozvola.

Mjere za podsticanje izvoza i smanjenje trgovinskog deficita:

Mjere za podsticanje izvoza Bosne i Hercegovine rezultat su obimne analize vanjskotrgovinskog deficita, sektorske proizvodnje, strukture izvoza i izvoznih proizvoda, postojećih carinskih i necarinskih barijera, kao i analize konkurentskih prednosti pojedinih grupa proizvoda. Neke od aktivnosti mogle bi biti:

-odrediti prioritete izvozne sektore, odnosno proizvode,

- utvrditi nova potencijalna tržišta,

- finansiranje proizvodnje za izvoz kroz finansijske institucije vlada – osnivanje fonda za razvoj, uz pružanje stručne pomoći (tehnička pomoć u izradi izvozne strategije preduzeća, promocija izvoza, pružanje informacija o mogućnostima i uslovima izvoza na pojedina tržišta...),

- podsticanje izvoza bazirati na informacijama o kretanjima na međunarodnom tržištu, kako bi izvoz bio dovoljno fleksibilan da se može prilagođavati promjenama tražnje,

- uvesti olakšice za investiranje u nove tehnologije,

- iz budžeta osigurati sredstva za preuzimanje međunarodnih i evropskih standarda, evropskih tehničkih propisa, sistema za ocjenjivanje usklađenosti proizvoda i CE oznaka u preduzeća BiH,

- izjednačiti strane i domaće investitore u pogledu korištenja carinskih povlastica prilikom uvoza opreme koja se koristi za proizvodnju u BiH,

- stimulirati sve domaće proizvođače koji koriste domaće sirovine u procesu proizvodnje, posebno one koji te proizvode izvoze,
- transportnim firmama omogućiti dobivanje potrebnog broja CEMT dozvola za transport robe,
- razviti zajedničke programe promocije i pružanja pomoći koji treba da se ostvaruju kroz postojeću mrežu izvoznih asocijacija (Vanjskotrgovinska komora BiH), kojoj će, s ciljem jačanja vlastitih kapaciteta, pomagati odgovarajuće državne institucije,
- prilikom rangiranja izvoznih preduzeća za podsticanje njihovih izvoznih aktivnosti, primjenjivati objektivne kriterije, a prednost dati preduzećima koja su već spremna za strana tržišta,
- strategija za podsticanje izvoza bit će u potpunosti u skladu s međunarodnim standardima i pravilima, važećim ugovorima o slobodnoj trgovini (FTA) kao i budućim članstvima u međunarodnim asocijacijama WTO i EU.

Privlačenje stranih investicija

Potrebno je:

- produžiti zakonski rok za olakšice (poreske, carinske...) stranim ulagačima;
- olakšati i skratiti rokove za registraciju firmi sa stranim ulaganjima;
- ubrzati katastarske i sudske procedure u vezi s nekretninama povezanim sa stranim ulaganjima;
- pojednostaviti i uskladiti procedure za dobivanje koncesija, na svim nivoima odlučivanja, a koje su u vezi i sa stranim ulaganjima;
- učiniti atraktivnim i konkurentnim propise u vezi s proizvodnim carinskim zonama u odnosu na najprivlačnija rješenja u svijetu;
- razvijati transportnu i komunikacijsku infrastrukturu radi konkurentnosti proizvodnje;
- dati poseban značaj turizmu kao oblasti koja je od posebnog interesa za izvoz i strana ulaganja.

Neki od željenih ciljeva

Potrebno je:

- većim stranim ulaganjima i većim izvozom ostvariti dvocifrenu stopu rasta;
- privlačiti u BiH značajnije strane energetske proizvođače i kao proizvođač električne energije osigurati konkurentnost na energetskom tržištu za tu vrstu proizvodnje;
- osigurati proizvodnju višeg tehnološkog nivoa i zaposliti naše mlade obrazovane kadrove u proizvodnju akumulativnih roba;
- osigurati visok stepen svijesti za kupovinu domaćih proizvoda;
- proizvodnja za izvoz treba biti kredo ekonomije svih u zemlji, što će se ostvarivati kroz školske programe i javnu promociju;
- istraživanjem, razvojem i tehničkom saradnjom osposobiti institucije, privatni sektor i pojedince za transfer tehnologije iz inozemstva u zemlju;
- svim potrebnim mjerama podsticati osnivanje visokoškolskih institucija u zemlji, na domaćim a posebno stranim jezicima, za domaće i strane studente;
- smanjiti administrativne barijere i povećati profesionalizam postojećih servisnih službi.

Zahtjev Vijeću ministara BiH

Traži se od Vijeća ministara BiH da, u saradnji s drugim domaćim institucijama, na osnovu ovih zaključaka i materijala koji su njihov sastavni dio, u roku od 30 dana, napravi akcioni plan za realizaciju Zaključaka i preporuka. Svi zaključci treba da budu realizirani do kraja ove godine. Akcioni plan treba da bude dostavljen Domu naroda PSBiH i Komisiji.

Materijali koji su sastavni dio Zaključaka:

Sastavni dio ovih zaključaka su i:

- neautorizirani transkript Javne rasprave,
- Dopis Privredne komore Republike Srpske,
- Dopis Privredne komore Federacije BiH,
- izlaganje Margit Haeberle, šefa Privrednog odjela Ambasade SR Njemačke u Sarajevu.

Ad-18. Razmatranje ostavki Jasminke Putice, Blage Bošnjaka i Dragice Miletić, članova Ureda za razmatranje žalbi, i upoznavanje s Informacijom o dosadašnjim aktivnostima vezanim za početak rada Ureda za razmatranje žalbi

Rasprava o ovoj tački dnevnog reda nije vođena.

Dom naroda jednoglasno je usvojio ostavke Jasminke Putice, Blage Bošnjaka i Dragice Miletić, članova Ureda za razmatranje žalbi, i upoznavanje s Informacijom o dosadašnjim aktivnostima vezanim za početak rada Ureda za razmatranje žalbi.

Ad-19- 27. Davanje saglasnosti za ratifikaciju sporazuma, ugovora i konvencije

Rasprava o ovim tačkama dnevnog reda nije vođena.

Dom naroda jednoglasno je dao saglasnost za ratifikaciju:

- Sporazuma između Vlade Bosne i Hercegovine i Vlade Savezne Republike Njemačke o finansijskoj saradnji u 2004. godini;
- Sporazuma između Vijeća ministara BiH i Vlade Republike Grčke o saradnji u borbi protiv kriminala, posebno terorizma, ilegalne trgovine drogom i organiziranog kriminala;
- Sporazuma između Bosne i Hercegovine i Belgijsko-luksemburške ekonomske unije o recipročnom unapređenju i zaštiti investicija;
- Sporazuma između Vijeća ministara BiH i Vlade Republike Grčke o ponovnom prijemu lica koja ilegalno borave na teritoriji njihovih država i Protokola za realizaciju Sporazuma između Vijeća ministara BiH i Vlade Republike Grčke o ponovnom prijemu lica koje ilegalno borave na teritoriji njihovih država;
- Sporazuma o zračom saobraćaju između Vijeća ministara BiH i Vlade Republike Mađarske;
- Dodatka kojim se mijenja i dopunjuje Sporazum između Visokog predstavnika za Bosnu i Hercegovinu o uspostavljanju Ureda registrara za Odsjek I. za ratne zločine i Odsjek II. za oraganizirani kriminal, privredni kriminal i korupciju Krivičnog i Apelacionog odjela Suda BiH i Posebnog odjela za ratne zločine i Posebnog odjela za oraganizirani kriminal, privredni kriminal i korupciju Tužilaštva BiH;
- Ugovora o intelektualnom vlasništvu za integrirana kola, Washinton 25. maja 1989.;
- Ugovora o uspostavi Energetske zajednice;
- Roterdamske konvencije o proceduri obavještanja o saglasnosti za promet nekih opasnih hemikalija i pesticida u međunarodnoj trgovini.

Ad-28. Zahtjev Vijeća ministara BiH za razmatranje Prijedloga zakona o lijekovima i medicinskim sredstvima Bosne i Hercegovine po hitnom postupku, u skladu s članom 99. Poslovnika Doma naroda

U raspravi o ovoj tački dnevnog reda učestvovali su: Hasan Čengić, Ilija Filipović i pomoćnik ministra civilnih poslova Damir Dizdarević.

Dom naroda je većinom glasova usvojio Zahtjev Vijeća ministara BiH za razmatranje Prijedloga zakona o lijekovima i medicinskim sredstvima Bosne i Hercegovine po hitnom postupku, u skladu s članom 99. Poslovnika Doma naroda.

Ad-29. Zahtjev Vijeća ministara BiH za razmatranje Prijedloga zakona o dopuni Zakona o državljanstvu Bosne i Hercegovine po hitnom postupku, u skladu s članom 99. Poslovnika Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o dopuni Zakona o državljanstvu Bosne i Hercegovine po hitnom postupku, u skladu s članom 99. Poslovnika Doma naroda.

Ad-30. Prijedlog zakona o izmjeni Zakona o ustupanju predmeta od Međunarodnog krivičnog suda za bivšu Jugoslaviju Tužilaštvu BiH i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u Bosni i Hercegovini (prvo čitanje)

Rasprava o ovoj tački dnevnog reda nije vođena.

Dom naroda jednoglasno je, u oba čitanja, usvojio Prijedlog zakona o izmjeni Zakona o ustupanju predmeta od Međunarodnog krivičnog suda za bivšu Jugoslaviju Tužilaštvu BiH i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u Bosni i Hercegovini u identičnom tekstu kao i na Predstavničkom domu.

Sjednica je završena u 16,45 sati.

Sastavni dio ovog zapisnika je neautorizirani transkript 60. sjednice Doma naroda.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Goran Milojević